

Na osnovu odredaba Pravilnika o stručnom ispitu za voditelja poslovnice putničke agencije („Službene novine Federacije BiH“; broj: 30/10), Rješenja o imenovanju Komisije za polaganje stručnog ispita za voditelja poslovnice putničke agencije („Službene novine Federacije BiH“; br. 81/15, 57/17 i 29/18) i Rješenja o utvrđivanju visine iznosa troškova za polaganje stručnog ispita za voditelja poslovnice putničke agencije („Službene novine Federacije BiH“; broj: 81/15), Federalno ministarstvo okoliša i turizma, *r a s p i s u j e*

**JAVNI POZIV
ZA PRIJAVU KANDIDATA ZA POLAGANJE STRUČNOG ISPITA ZA VODITELJA
POSLOVNICE PUTNIČKE AGENCIJE ZA 2019. GODINU**

I

U skladu sa potrebama i zainteresiranosti kandidata i putničkih agencija, Federalno ministarstvo okoliša i turizma raspisuje Javni poziv za prijavu kandidata za polaganje stručnog ispita za voditelja poslovnice putničke agencije za područje Federacije Bosne i Hercegovine za 2019. godinu.

II

Uz **obrazac prijave** za polaganje stručnog ispita za voditelja poslovnice putničke agencije koji se može preuzeti na web stranici Federalnog ministarstva okoliša i turizma, www.fmoit.gov.ba kandidat je dužan priložiti sljedeću dokumentaciju:

1. dokaz da ima najmanje srednju stručnu spremu,
2. potvrdu obrazovne ustanove o aktivnom znanju jednog svjetskog jezika,
3. izvod iz matične knjige rođenih,
4. dokaz o uplati iznosa troškova ispita,

U postupku provođenja stručnog ispita za voditelja poslovnice putničke agencije kao dokaz po tačkom 2. potvrda obrazovne institucije o aktivnom znanju jednog svjetskog jezika, mogu se koristiti sljedeći dokazi:

- uvjerenje/certifikat ili potvrda o znanju stranog jezika, izdato od škole ili druge institucije koja se bavi edukacijom stranih jezika, na teritoriji Bosne i Hercegovine,
- uvjerenje fakulteta o provjeri znanja stranog jezika, položenom ispitu stranog jezika tokom školovanja, kao i druga isprava fakulteta (ovjerena kopija upisnice - indexa), koja potvrđuje znanje stranog jezika, odnosno položene ispite stranih jezika,
- diploma ili druga isprava koja potvrđuje stečeno zvanje ili zanimanje koje je neposredno vezano za znanje stranog jezika (npr. profesor stranog jezika, prevoditelj, i sl.).

Svi dokumenti koji se prilažu uz obrazac prijave kao dokaz o ispunjavanju uslova iz Javnog poziva trebaju biti originali ili kopije ovjerene od strane nadležnog organa, ne starije od šest mjeseci.

III

Troškovi za polaganje stručnog ispita za voditelja poslovnice putničke agencije u iznosu od 550,00 KM, uplaćuju se na račun:

Svrha doznake: Naknada za stručni ispit za voditelja poslovnice putničke agencije

Primalac: Budžet Federacije Bosne i Hercegovine „Union banka“ d.d. Sarajevo

Račun primaoca: 1020500000106698

Broj poreznog obveznika: upisati JMBG

Vrsta prihoda: 722791

Budžetska organizacija: 6101001

Općina: 079

Poziv na broj: 0000000000

IV

Način podošenja prijave

Popunjen obrazac prijave za stručni ispit sa pratećom dokumentacijom dostaviti na adresu: „Federalno ministarstvo okoliša i turizma, ul. Marka Marulića 2, 71 000 Sarajevo“ sa naznakom: Po Javnom pozivu - „Prijava za polaganje stručnog ispita za voditelja poslovnice putničke agencije za 2019. godinu - ne otvaraj“

Na poleđini koverta obavezno navesti: ime i prezime podnosioca prijave, adresu i kontakt telefon ili predati prijavu neposredno putem protokola Ministarstva.

V

Rok za podnošenje prijave

Prijave za stručni ispit na osnovu Javnog poziva primaju se **u kontinuitetu tokom 2019. godine.**

Prvi ispitni rok će se održati 28. maja (utorak) 2019.godine.

Svi prijavljeni kandidati će biti blagovremeno obaviješteni o datumu, mjestu i vremenu održavanja stručnog ispita putem web stranice Ministarstva www.fmoit.gov.ba, te kontaktirani telefonskim putem. Kandidati će po prijavi za stručni ispit dobiti Priručnik za edukaciju i polaganje stručnog ispita za voditelja poslovnice putničke agencije koji se preuzima lično u Ministarstvu u uredu br.120b i 127 ili će biti dostavljeni putem pošte na adresu kandidata.

Dodatne informacije u vezi sa polaganjem predmetnog ispita mogu se dobiti svakim radnim danom od 11 do 14 sati putem telefona: 033/726-749,726-746,726-725,727-730, 726-729, 726-727, te lično od 8,00 do 10,00 sati u kancelariji broj 120b.

Javni poziv će se objaviti na web stranici Federalnog ministarstva okoliša i turizma.

Broj: 06/1-22-309/19

Sarajevo, 22.4.2019. godine



MINISTRICA
Dr. Edita Đapo